



অবিলম্বে প্রকাশের উদ্দেশ্যে: 12/21/2022

গভর্নর ক্যাথি হোকল

বৃহস্পতিবার থেকে শুরু করে ছুটির দিনের উইকএন্ড জুড়ে নিউ ইয়র্ক স্টেটে বিরূপ আবহাওয়া আঘাত হানার আশংকা থাকায় স্টেট সংস্থাগুলোকে জরুরি সাড়া প্রদানকারী সম্পদ প্রস্তুত করার জন্য গভর্নর হোকলের নির্দেশ

এই সপ্তাহে নিউ ইয়র্ক স্টেটে শীতকালীন ঝড় আঘাত হানার সময় ভারী বৃষ্টি, তুষারপাত, ঝড়ো হাওয়া, দ্রুত বরফ জমে যাওয়া, বন্যা এবং বিদ্যুৎ বিভ্রাট ইত্যাদি সবকিছু ঘটার সম্ভাবনা রয়েছে

ঝড়ের প্রতি সাড়া দেওয়ার জন্য নিউ ইয়র্কের ইউটিলিটিগুলো বাড়তি 2,200 বহিরাগত কর্মী নিযুক্ত করছে

গভর্নর হোকল এই সপ্তাহে ভ্রমণ করার প্রস্তুতি নেওয়া নিউ ইয়র্কবাসীদেরকে অগ্রিম পরিকল্পনা করে রাখতে এবং ভ্রমণের ক্ষেত্রে ঝুঁকিপূর্ণ অবস্থা এড়িয়ে চলার জন্য নির্ধারিত সময়ের আগেই ঘর থেকে বের হওয়ার জন্য সনির্বন্ধ অনুরোধ জানিয়েছেন

বৃহস্পতিবার থেকে শুরু হয়ে শনিবার পর্যন্ত অব্যাহত থাকা উল্লেখযোগ্য শীতকালীন আবহাওয়ার নিয়ে আসা স্টেটব্যাপী একাধিক ঝুঁকির আশংকায় আগে থেকে জরুরি সাড়াদানকারী সম্পদ প্রস্তুত করার জন্য গভর্নর ক্যাথি হোকল স্টেট সংস্থাগুলোকে নির্দেশ দিয়েছেন। এই ছুটির দিনের উইকএন্ডজুড়ে স্টেটজুড়ে কয়েকটি অঞ্চলে ভারী বৃষ্টি, তুষারপাত, ঝড়ো হাওয়া, দ্রুত বরফ জমে যাওয়া, এবং বন্যা হওয়ার সম্ভাবনা রয়েছে। সেইসাথে, শুক্রবার রাত থেকে শুরু করে অব্যাহতভাবে সোমবার পর্যন্ত লেক এরি ও অন্টারিও সংলগ্ন প্রভাবিত এলাকাগুলোতে লেক ইফেক্ট তুষারপাত হওয়ার আশংকা রয়েছে, যেখানে মোট 12" বা তার বেশি পর্যন্ত বরফ জমা হতে পারে বলে পূর্বাভাস পাওয়া গেছে। বৃহস্পতিবার থেকে শুরু করে, স্টেটের বেশিরভাগ অংশে বৃষ্টি ও তুষারপাত হতে পারে বলে পূর্বাভাস পাওয়া গেছে, যেখানে কিছু স্থানে শুক্রবার বিকেল নাগাদ তিন ইঞ্চি পর্যন্ত বৃষ্টিপাত হওয়ার সম্ভাবনা রয়েছে। বৃষ্টি ও বরফ গলা পানির কারণে হালকা থেকে মাঝারি মাত্রার বন্যা দেখা দেওয়ার সম্ভাবনা রয়েছে, এবং হালকা শীতের মিশ্রণের ফলে শুক্রবার সকালে ভ্রমণের পথগুলো পিচ্ছিল হয়ে থাকতে পারে। শুক্রবার সকাল থেকে শুরু করে অব্যাহতভাবে শনিবার সকাল পর্যন্ত, স্টেটের বেশিরভাগ অংশে ঘণ্টায় 40-50 মাইল বেগে ঝড়ো হাওয়া এবং ঘণ্টায় 70 মাইল পর্যন্ত গতিবেগে স্থানীয়ভাবে স্বল্প সময়ের জন্য হওয়া ঝড়ো হাওয়া দেখা দিতে পারে। শুক্রবার বিকেলে ও সন্ধ্যায়, তাপমাত্রা উল্লেখযোগ্যভাবে কমে যেতে পারে এবং দ্রুত বরফ জমে যাওয়ার কারণে শুক্রবার সকালে

যাতায়াতের সময় এবং শনিবারের ভ্রমণের সময় রাস্তায় বরফ জমা হয়ে যেতে পারে বলে পূর্বাভাস পাওয়া গেছে। সেইসাথে, শুক্রবার রাত থেকে শুরু করে অব্যাহতভাবে সোমবার পর্যন্ত লেক ইফেক্ট তুষারপাত লেক এরি ও অন্টারিও সংলগ্ন এলাকাগুলোতে আঘাত হানবে, এবং জোরালো হাওয়ার কারণে তুষার প্রবাহ তৈরি হওয়ায় দৃষ্টি গোচরতা শূন্যের কাছাকাছি নেমে যাওয়ার এবং স্থানীয়ভাবে তুষার ঝড়ের মতো অবস্থা দেখা দেওয়ার আশংকা রয়েছে। আপস্টেট অঞ্চলগুলোতে সোমবার পর্যন্ত নিম্ন তাপমাত্রার শীতল বায়ু সহ স্বাভাবিকের চেয়ে কম বরফ জমে যাওয়ার মতো তাপমাত্রা অব্যাহত থাকার আশংকা রয়েছে। গভর্নর হোকল নিউ ইয়র্কবাসীদেরকে এই সপ্তাহে ভ্রমণ করার প্রয়োজন হলে সব প্রয়োজনীয় সতর্কতামূলক পদক্ষেপ অবলম্বন করার এবং সম্ভাব্য বিরূপ আবহাওয়ার জন্য অগ্রিম পরিকল্পনা করে রাখার জন্য সর্নির্বন্ধ অনুরোধ জানিয়েছেন।

"ছুটির দিনের উইকএন্ডে প্রিয়জনদের সঙ্গে সাক্ষাত করার জন্য এই সপ্তাহে ভ্রমণ করার প্রস্তুতি নিচ্ছেন এমন নিউ ইয়র্কবাসীদের উচিত অগ্রিম পরিকল্পনা করে রাখা এবং সম্ভব হলে পর্যাপ্ত সময় হাতে নিয়ে ঘর থেকে বের হওয়া, কারণ শুক্রবার সকাল থেকে শুরু করে এই বিরূপ আবহাওয়ার কারণে স্টেটজুড়ে ভ্রমণের জন্য ঝুঁকিপূর্ণ অবস্থা তৈরি হবে বলে আমরা আশংকা করছি" **বলেছেন গভর্নর হোকল।** "আমাদের স্টেট সংস্থাগুলো এই সাড়াদান প্রচেষ্টার জন্য ভালোভাবে সমন্বয় রক্ষা করছে এবং আমরা প্রয়োজন সাপেক্ষে ক্ষতিগ্রস্ত অঞ্চলগুলোতে মোতায়েনের জন্য সম্পদ ও কর্মী প্রস্তুত করছি।"

বৃহস্পতিবার থেকে শুরু করে সেন্ট্রাল নিউ ইয়র্ক, মোহাক ভ্যালি এবং নর্থ কান্ট্রির কিছু অংশের জন্য ঝড়ো হাওয়া সংক্রান্ত পরামর্শ প্রদান এবং পর্যবেক্ষণের ব্যবস্থা করা হয়েছে যেখানে সময়ে সময়ে ঘণ্টায় 70 মাইল পর্যন্ত গতিবেগের ঝড়ো হাওয়া দেখা দেওয়ার আশংকা রয়েছে। ক্ষতিকর ঝড়ো হাওয়ার কারণে গাছপালা উপড়ে যাওয়া এবং বিদ্যুতের লাইন ছিঁড়ে যাওয়ার এবং ব্যাপকভাবে বিদ্যুৎ বিভ্রাট দেখা দেওয়ার সম্ভাবনা রয়েছে। এসব এলাকায় ভ্রমণ করা কষ্টসাধ্য হতে পারে।

ওয়েস্টার্ন NY, ফিঙ্গার লেকস এবং নর্থ কান্ট্রি অঞ্চলে শুক্রবার সকাল থেকে সোমবার সন্ধ্যা পর্যন্ত শীতকালীন ঝড় সংক্রান্ত পর্যবেক্ষণের ব্যবস্থা করা হয়েছে।

সমগ্র নিউ ইয়র্ক সিটি, লং আইল্যান্ড, ও ওয়েস্টচেস্টার কাউন্টিতে শুক্রবার থেকে শুরু করে অব্যাহতভাবে শনিবার রাত পর্যন্ত উপকূলীয় বন্যা পর্যবেক্ষণের ব্যবস্থা করা হয়েছে, যেখানে জলাশয়ের কাছাকাছি ও উপকূলের এলাকাগুলোতে মাটির উপরে এক থেকে তিন ফুট পর্যন্ত পানি জমা হওয়ার সম্ভাবনা রয়েছে।

এছাড়া লেকের তীর, বিশেষ করে উপসাগর, খাঁড়ি ও পোতাশ্রয়গুলোতে বন্যা হওয়ার সম্ভাবনা থাকায় ওয়েস্টার্ন NY এবং নর্থ কান্ট্রির বিভিন্ন কাউন্টিতে শুক্রবার সকাল থেকে লেকের তীরে বন্যা পর্যবেক্ষণের ব্যবস্থা করা হয়েছে।

স্টেটজুড়ে আবহাওয়া পর্যবেক্ষণ, সতর্কীকরণ, ও পরামর্শের একটি পূর্ণাঙ্গ তালিকা পেতে, জাতীয় আবহাওয়া পরিষেবার (National Weather Service) [ওয়েবসাইট](#) দেখুন।

নিউ ইয়র্ক স্টেটের ডিভিশন অব হোমল্যান্ড সিকিউরিটি এন্ড ইমার্জেন্সি সার্ভিসেস (Division of Homeland Security and Emergency Services)-এর কমিশনার জ্যাকি ব্রে বলেন, "আমরা বৃহস্পতিবার থেকে শনিবার পর্যন্ত স্টেটব্যাপী একটি বড় আকারের শীতকালীন ঝড় দেখা দেওয়ার আশংকা করছি। নিউ ইয়র্কবাসীদের জন্য আমি দুইটি বার্তা দিতে চাই - প্রথমটি হচ্ছে, শুক্রবার ও শনিবারে ভ্রমণ করা থেকে বিরত থাকুন। তাই, যদি এই উইকএন্ডে আপনার ভ্রমণ করার প্রয়োজন হয়, তাহলে বৃহস্পতিবারেই ঘর থেকে বের হয়ে যাওয়ার এবং গন্তব্যস্থলে কমপক্ষে শনিবার পর্যন্ত অবস্থান করার জন্য সর্বোচ্চ চেষ্টা করবেন। 2 নম্বরে - আমরা ঝড়ো হাওয়া দেখতে পাওয়ার আশংকা করছি, এবং যদিও আমরা বাড়তি কয়েক হাজার ইউটিলিটি কর্মী নিযুক্ত করেছি, আমরা অত্যন্ত নিম্ন তাপমাত্রার পাশাপাশি বিদ্যুৎ বিভ্রাটের সম্মুখীন হতে পারি। অনুগ্রহ করে প্রস্তুত থাকুন এবং পরিবারের সদস্য ও অরক্ষিত প্রতিবেশীদের খোঁজখবর নিন।"

এজেন্সির প্রস্তুতি

স্বদেশের নিরাপত্তা ও জরুরী পরিষেবা বিভাগ (Division of Homeland Security and Emergency Services)

নিউ ইয়র্ক স্টেটের ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস (DHSES) নিবিড়ভাবে পূর্বাভাস পর্যবেক্ষণ করছে, স্টেট সংস্থাগুলোর সাড়াদান কার্যক্রমের মধ্যে সমন্বয় সাধন করছে, এবং প্রস্তুতি নিশ্চিত করার জন্য বিরূপ আবহাওয়া আঘাত হানার বিষয়টি সামনে রেখে স্থানীয় সরকারগুলোর সঙ্গে যোগাযোগ রক্ষা করছে। অফিস অব ইমার্জেন্সি ম্যানেজমেন্ট (Office of Emergency Management) চেইন স ও জেনারেটর স্থাপন করার জন্য এবং লেকের তীরে দেখা দেওয়া সম্ভাব্য বন্যার বিরুদ্ধে সুরক্ষা দেওয়ার জন্য বাফেলোতে যুক্তরাষ্ট্রের কোস্ট গার্ড সদস্যদের কাছে বালুভর্তি ব্যাগ পৌঁছে দিচ্ছে। পারস্পরিক সহায়তার অনুরোধে সাড়া দেওয়ার জন্য অগ্নি প্রতিরোধ ও নিয়ন্ত্রণ অধিদপ্তরে (Office of Fire Prevention and Control) সরঞ্জাম ও কর্মীরা প্রস্তুত রয়েছে।

স্টেটজুড়ে দশটি মজুদের মধ্যে ঝড়-সংক্রান্ত প্রয়োজন পূরণে সহায়তা করার জন্য DHSES-এর নিম্নলিখিত মোতামেনযোগ্য জিনিসগুলো রয়েছে:

- 1,487টি জেনারেটর
- 985টি পাম্প
- 528টি চেইন-স
- 250টি লাইট টাওয়ার
- খাট, বালিশ, কঞ্চল, পানি, ও MRE

জনসেবার বিভাগ (Department of Public Service)

এই সপ্তাহে স্টেটব্যাপী শীতকালীন আবহাওয়ার ইভেন্টের প্রস্তুতির জন্য, ক্ষতি মূল্যায়ন, তার পাহারা দেওয়া, সাড়া প্রদান, মেরামত, ও সংস্কার কার্যক্রম পরিচালনার জন্য নিউ ইয়র্কের ইউটিলিটি এজেন্সিগুলোতে স্টেটজুড়ে আনুমানিক 7,700 জন কর্মী থাকবে।

এর মধ্যে বিকল্প আবহাওয়া মোকাবেলায় সাড়া দেওয়ার জন্য নিম্নলিখিত ইউটিলিটিগুলো থেকে লভ্য 2,200 জন বাড়তি কর্মী অন্তর্ভুক্ত রয়েছে:

- জাতীয় গ্রিডের 800 জন
- কন এডিসনের (Con Edison) 800 জন
- NYSEG/RG&E-এর 330 জন
- অরেঞ্জ ও রকল্যান্ডের 150 জন
- সেন্ট্রাল হাডসনের 75 জন

DPS-এর কর্মীরা পুরো সময়জুড়ে ইউটিলিটির সাড়াদান, মেরামত ও পুনর্বহাল কার্যক্রমের ট্র্যাক রাখবে এবং সবচেয়ে বেশি প্রভাবিত হওয়া এলাকাগুলোতে ইউটিলিটি এজেন্সিগুলোর যথাযথ সংস্থান নিয়োজিতকরণের বিষয়টি নিশ্চিত করবে।

পরিবহন বিভাগ (Department of Transportation)

স্টেটের পরিবহন বিভাগ (Department of Transportation) আবহাওয়ার অবস্থা পর্যবেক্ষণ করছে এবং 3,450 জন সুপারভাইজার ও অপারেটর নিয়ে সাড়াদানের জন্য প্রস্তুত রয়েছে। এই অবস্থা চলাকালীন সময়ে 24/7 কার্যপরিচালনা করার জন্য প্রভাবিত হওয়া সব আবাসিক এলাকাতে কর্মী নিয়োগ করা হবে। প্রয়োজনীয় যেকোনো ধরনের সাড়াদানকারী কর্মী হিসেবে কর্মীদেরকে নিয়োজিত করা যাবে যেমন তুষার ও বরফ, বন্যা, চিপার, লোড করা ও টানা, কাটা ও ছুড়ে ফেলা, ট্র্যাফিক সিগনাল, ইত্যাদি। তুষার ও বরফ সরানোর সব লভ্য সরঞ্জাম মোতায়েনের জন্য প্রস্তুত রয়েছে।

স্টেট ব্যাপী থাকা ইকুইপমেন্টের সংখ্যা নিম্নোক্তানুসারে:

- 1,731টি বৃহৎ ও মিডিয়াম ডিউটি প্লাউ ট্রাক
- 51টি টো প্লাও
- 38টি স্নো ব্লোয়ার
- 342টি লোডার
- 13টি ট্রি ক্লিয়ারিং বাকেট ট্রাক
- 78টি চিপার
- 34টি ট্র্যাফিক সিগন্যাল ট্রাক
- 19টি গ্রেডার
- 74টি এক্সক্যাভেটর

ভ্রমণ সংক্রান্ত হালনাগাদ তথ্যের জন্য 511 এ ফোন করুন, 511NY.org ওয়েবসাইট দেখুন, অথবা বিনামূল্যের 511NY মোবাইল অ্যাপ ডাউনলোড করুন।

ফ্রণ্ডে কর্তৃপক্ষ

থ্রুওয়ে অথরিটির (Thruway Authority) কর্মীরা আসন্ন ঝড়ের পূর্বাভাস নিবিড়ভাবে তদারকি করছে এবং লভ্য 678 জন অপারেটর ও সুপারভাইজারকে সঙ্গে নিয়ে সাড়াদানের জন্য প্রস্তুত রয়েছে। স্টেটব্যাপী সরঞ্জাম সংখ্যা ও রিসোর্সের তালিকা নিচে দেওয়া হলো:

- 352টি বৃহৎ ও মিডিয়াম ডিউটি প্লাউ ট্রাক
- 10টিটো প্লাউ
- 66টি লোডার
- 119,000 টনের বেশি লবণ প্রস্তুত

থ্রুওয়েতে মোটরচালকদেরকে শীতকালীন আবহাওয়ার অবস্থা সম্পর্কে সতর্ক করতে বিভিন্ন ধরনের মেসেজ সাইন ও সোশ্যাল মিডিয়া ব্যবহার করা হয়।

থ্রুওয়ে কর্তৃপক্ষ তাদের [মোবাইল অ্যাপ](#) ডাউনলোড করতে গাড়িচালকদেরকে উৎসাহিত করে যা আইফোন ও অ্যান্ড্রয়েড ডিভাইসের জন্য বিনামূল্যে পাওয়া যায়। অ্যাপটি চলার পথে মোটরযান চালকদের রিয়েল-টাইম ট্রাফিক সম্পর্কে তথ্য, লাইভ ট্রাফিক ক্যামেরা, ও দিক-নির্দেশনা সংক্রান্ত সহায়তা প্রদান করে। এছাড়াও গাড়ি চালকরা [ট্রান্সঅ্যালার্ট \(TRANSalert\)](#) ই-মেইলের জন্য সাইন-আপ করতে পারেন যা থ্রুওয়ে সংলগ্ন যানবাহনের সর্বশেষ অবস্থা সম্পর্কে তথ্য প্রদান করে।

নিউ ইয়র্ক স্টেট পুলিশ

স্টেট পুলিশ অবস্থা তদারকি করবে এবং ঝড়ের ফলে উল্লেখযোগ্যভাবে প্রভাবিত হওয়া এলাকাগুলোতে বাড়তি টহলের ব্যবস্থা করবে। সব ফোর-হুইল ড্রাইভ ও বিশেষায়িত যানবাহন, যেমন ইউটিলিটি ট্রাক ভেহিকেল ও স্নোমোবাইল সেবায় নিয়োজিত রয়েছে।

পরিবেশ সংরক্ষণ বিভাগ (Department of Environmental Conservation)

DEC পরিবেশ সংরক্ষণ পুলিশ অফিসার, ফরেস্ট রেঞ্জার্স, জরুরি ব্যবস্থাপনা কর্মী এবং আঞ্চলিক কর্মীরা সতর্ক রয়েছেন এবং পরিস্থিতি পর্যবেক্ষণ করছেন এবং গুরুতর আবহাওয়া দ্বারা প্রভাবিত হওয়া এলাকা ও অবকাঠামোগুলোতে সক্রিয়ভাবে টহল দিচ্ছেন। DEC সংস্থা অংশীদারদের সঙ্গে সম্পদ মোতায়েন কার্যক্রম সমন্বয় করছে এবং যেকোনো জরুরি সাড়াদানের ক্ষেত্রে সহায়তা করার জন্য লভ্য সব সম্পদ যথাস্থানে নিয়োজিত রয়েছে।

DEC ব্যাককান্ট্রি ব্যবহারকারীদেরকে শীতকালীন অবস্থা সম্পর্কে সচেতন থাকার জন্য এবং প্রস্তুতি নেওয়ার জন্য পরামর্শ দিচ্ছে। আপনার শারীরিক সক্ষমতা বা গন্তব্য নির্বিশেষে শীতকালীন হাইকিং ও স্কিয়িং এর জন্য নিরাপত্তা ও প্রস্তুতি অত্যন্ত গুরুত্বপূর্ণ। আরো বেশি উপভোগ্য এবং অধিকতর নিরাপদ অভিজ্ঞতার জন্য শীতকালীন অবস্থার জন্য যথাযথভাবে প্রস্তুতি নেওয়া অত্যন্ত গুরুত্বপূর্ণ। ভারী তুষারপাত চলাকালীন সময়ে এবং এর পরে তাৎক্ষণিকভাবে উন্মুক্ত, খোলামেলা এলাকা যেমন অনাবৃত পর্বতের চূড়ায় গমন করবেন না এবং উন্মুক্ত ঢালের উপরে বা কাছাকাছি ভ্রমণ করার সময় অনেক বেশি সতর্ক থাকুন। আরো তথ্য পাওয়া যাবে <https://www.dec.ny.gov/outdoor/112826.html> ঠিকানায়।

DEC বৃহৎ পরিমাণে তুষার অপসারণ ও পরিত্যাগের জন্য দায়িত্বপ্রাপ্ত ব্যক্তিদের মনে করিয়ে দিচ্ছে যে তারা বন্যা প্রতিরোধ করতে এবং পানির মানকে লবণ, বালি, তেল, আবর্জনা এবং বরফের অন্যান্য অবশিষ্টাংশের মতো দূষণকারী পদার্থ দ্বারা প্রভাবিত হওয়ার সম্ভাবনা হ্রাস করতে সাহায্য করার জন্য সর্বোত্তম ব্যবস্থাপনার অনুশীলনগুলি যাতে মেনে চলেন। স্থানীয় খাঁড়ি এবং ঝর্ণাতে তুষার ফেললে এর ফলে বরফের বাঁধ সৃষ্টি হতে পারে যা কাছের এলাকায় বন্যার কারণ হতে পারে। সরকারি ও বেসরকারি তুষার অপসারণ অপারেটরদেরকে ঝড় চলাকালীন এবং এর পরে এইসব নিরাপত্তা বিষয়ে সচেতন হতে হবে। আরো তথ্য পাওয়া যাবে https://www.dec.ny.gov/docs/water_pdf/togs5111new.pdf ঠিকানায়

পার্ক, বিনোদন ও ঐতিহাসিক সংরক্ষণ দপ্তর (Office of Parks, Recreation and Historic Preservation)

নিউ ইয়র্ক স্টেট পার্ক পুলিশ এবং পার্কের পার্সোনেলরা সতর্ক আছে এবং আবহাওয়া পরিস্থিতি এবং তার পরিণামের উপর কড়া নজর রাখছেন। পার্কে গমনকারীদের পার্কের কর্মঘণ্টা, খোলার ও বন্ধ হওয়ার সময় সংক্রান্ত সর্বশেষ আপডেট জানতে parks.ny.gov ওয়েবসাইট চেক করা অথবা তাদের স্থানীয় পার্কের অফিসে ফোন করা উচিত।

নিউ ইয়র্ক পাওয়ার অথরিটি (New York Power Authority, NYPA) / ক্যানাল কর্পোরেশন (Canal Corporation)

নিউ ইয়র্ক পাওয়ার অথরিটি (New York Power Authority) এবং ক্যানাল কর্পোরেশন (Canal Corporation)-এর কর্মীরা সকল ফ্যাসিলিটি, সম্পদ ও সরঞ্জাম নিরাপদ ও প্রস্তুত রয়েছে বলে নিশ্চিত করতে প্রস্তুতি সম্পন্ন করছেন। প্রয়োজনে বিদ্যুৎ পুনরুদ্ধার কার্যক্রমকে সহায়তা করার জন্য বিদ্যুৎ কর্তৃপক্ষ প্রস্তুত।

নিউ ইয়র্ক ও নিউ জার্সি বন্দর কর্তৃপক্ষ

পোর্ট অথরিটিও আবহাওয়া পরিস্থিতির উপর নজর রাখছে। ব্রিজ, সর্বোপরি রোডওয়ে বরাবর এবং ক্রসিংগুলিতে গতির উর্ধ্বসীমা বেঁধে দেওয়া হতে পারে। বিলম্ব এবং বাতিলকরণের ব্যাপারে সর্বশেষ তথ্যের জন্য ক্যারিয়ার এবং এয়ারলাইনের সাথে সরাসরি যোগাযোগ করতে পোর্ট অথরিটির ফেসিলিটি থেকে যাত্রীদের উৎসাহ দেওয়া হচ্ছে। পোর্ট অথরিটির ফ্যাসিলিটিগুলো সম্পর্কে সর্বশেষ তথ্যের জন্য, অনুগ্রহ করে সোশ্যাল মিডিয়া চেক করুন, PA অ্যালার্টের জন্য সাইন-আপ করুন অথবা PA মোবাইল অ্যাপগুলির মধ্যে একটি ডাউনলোড করুন, যেমন RidePATH যেটি পাথ (PATH) সার্ভিসের জন্য রিয়েল-টাইম আপডেট ও অ্যালার্ট প্রদান করে।

মেট্রোপলিটন ট্রান্সপোর্টেশন অথরিটি

মেট্রোপলিটন ট্রান্সপোর্ট অথরিটি (Metropolitan Transportation Authority, MTA) নিরাপদ, নির্ভরযোগ্য পরিষেবা নিশ্চিত করতে আবহাওয়ার অবস্থা নিবিড়ভাবে পর্যবেক্ষণ করছে। MTA কর্মীদের যেকোনও আবহাওয়া সম্পর্কিত সমস্যায় সাড়া দান বা ট্র্যাকের উপর ভেঙ্গে পড়া যেকোনও গাছ সরাতে প্রস্তুত থাকবে।

গ্রাহকদেরকে পরিষেবার সর্বশেষ আপডেট জানতে new.mta.info চেক করার জন্য, এবং সিস্টেম ব্যবহারের সময়ে সতর্কতা অবলম্বনের জন্য উৎসাহিত করা হচ্ছে। গ্রাহকদের টেক্সট বা ইমেইলের মাধ্যম রিয়েল টাইম সার্ভিস অ্যালার্টের জন্য সাইন আপ করা উচিত। MTA-এর অ্যাপগুলির মাধ্যমেও এই সতর্কতা পাওয়া যায়: MYmta এবং TrainTime।

নিরাপত্তা সংক্রান্ত পরামর্শ

শীতকালীন ভ্রমণ সংক্রান্ত নিরাপত্তা

শীতকালীন সময়ে মৃত্যু ও আঘাতপ্রাপ্তির শীর্ষ কারণ হলো পরিবহনজনিত দুর্ঘটনা। গাড়িতে চলাচল করার আগে এসব সতর্কতামূলক পরামর্শ পর্যালোচনা করুন:

- শীতকালীন ঝড়ের সময়ে প্রয়োজন না হলে গাড়ি চালাবেন না।
- আপনার যানবাহন বরফ ও তুষার থেকে মুক্ত আছে তা নিশ্চিত করে নিন; ভালোভাবে দৃষ্টিগোচর হওয়াটা ভালোভাবে গাড়ি চালানোর মূল চাবিকাঠি।
- সবসময় সড়ক ও আবহাওয়ার অবস্থার সঙ্গে আপনার গতির মিল রাখুন। আপনার থামার স্থানগুলো সম্পর্কে পরিকল্পনা করে রাখুন এবং গাড়িগুলোর মধ্যে আরো বেশি দূরত্ব রাখুন।
- অতিরিক্ত সতর্ক থাকুন এবং মনে রাখবেন যে তুষারকণা ছোট শিশুদেরকে আড়াল করে দিতে পারে।
- আপনার গাড়িতে টিকে থাকার সরঞ্জাম যেমন কঞ্চল, একটি বেলচা, ফ্ল্যাশলাইট ও বাড়তি ব্যাটারি, বাড়তি গরম পোশাক, টায়ার চেইনের সেট, ব্যাটারি বুস্টার ক্যাবল, দ্রুত শক্তিদায়ক খাবার এবং বিপদ সংকেত দেয়ার জন্য ব্যবহারের উদ্দেশ্যে উজ্জ্বল রঙের কাপড়ের টুকরা রয়েছে তা নিশ্চিত করুন।
- যদি আপনার ব্যবহারের জন্য অন্যান্য যোগাযোগের ডিভাইস যেমন সেল ফোন অথবা টু-ওয়ে রেডিও থাকে, তাহলে ব্যাটারিতে চার্জ দিয়ে রাখুন এবং ভ্রমণের সময় সেটি আপনার সঙ্গে রাখুন।

ঠাণ্ডা আবহাওয়ায় নিরাপত্তা

- শৈত্যপ্রবাহ থেকে সাবধান থাকুন - তাপমাত্রা কমে যাওয়ার সাথে সাথে বায়ুপ্রবাহের ফলে মানব দেহের তাপ হারানো বৃদ্ধি পায়।
- উপযুক্ত পোশাক পরুন এবং দীর্ঘ সময় ধরে ঠাণ্ডায় অবস্থান করা থেকে বিরত থাকুন।
- কয়েক স্তরের পোশাক পরার পাশাপাশি উপযুক্ত ক্ষেত্রে টুপি ও মোজা পরিধান করুন। দেহের কোনো অংশ অপ্রয়োজনে ঠাণ্ডার সংস্পর্শে আনা থেকে বিরত থাকুন।
- পর্যাপ্ত পরিমাণে গরম তরল বা গরম পানি পান করুন কিন্তু ক্যাফেইন ও অ্যালকোহল এড়িয়ে চলুন। দেহের তাপমাত্রা ধরে রাখার জন্য সক্রিয় থাকুন।
- ঠাণ্ডা থেকে ঘন ঘন বিরতি নিন।
- যদি হাইপোথার্মিয়া বা ফ্রস্টবাইটের লক্ষণ দেখা দেয়, ঠাণ্ডা থেকে সরিয়ে আনুন, আক্রান্ত ব্যক্তিকে ধীরে ধীরে উষ্ণ করুন এবং মেডিকেল সহায়তা নিন:

- ফ্রস্টবাইট: লক্ষণসমূহের মধ্যে রয়েছে অনুভূতি হারিয়ে ফেলা, হাতের আঙুল, পায়ের আঙুল, কান, ও নাক সাদা বা ফ্যাকাসে দেখানো।
- হাইপোথার্মিয়া: লক্ষণসমূহের মধ্যে রয়েছে অনিয়ন্ত্রিত কাঁপুনি, কথা ধীর হয়ে যাওয়া, স্মৃতিশক্তিতে বিভ্রাট, ঘন ঘন হুমড়ি খাওয়া, এবং ঝিমুনি।

ভারী কাজকর্ম

ভারী কাজকর্ম, যেমন বরফ সরানো, ধ্বংসাবশেষ পরিষ্কার করা অথবা গাড়ি ঠেলা, ইত্যাদি হার্ট অ্যাটাকের ঝুঁকি বাড়িয়ে দেয়। ঝড়ের পরে নিরাপদ থাকার জন্য এসব পরামর্শ মেনে চলুন:

- উষ্ণ থাকুন, গরম পোশাক পরুন এবং ঘরের বাইরে কাজ করার সময় ধীর গতিতে কাজ করুন।
- অতিরিক্ত পরিশ্রম এড়াতে ঘন ঘন বিশ্রাম নিন
- যদি আপনি বুকে ব্যথা, শ্বাসকষ্ট, বা আপনার চোয়াল থেকে আপনার বাহুর দিকে চলে যাওয়া ব্যথা, ইত্যাদি অনুভব করেন -- তাহলে থামুন এবং তাৎক্ষণিকভাবে সাহায্য চান।

বিদ্যুৎ বিভ্রাট

শীতকালীন ঝড়ের কারণে বিদ্যুৎ বিভ্রাট দেখা দিতে পারে। বিদ্যুৎ চলে যাওয়ার আগেই এসব নিরাপত্তা সংক্রান্ত পরামর্শ পর্যালোচনা করে নিন যাতে কোনো জরুরি পরিস্থিতিতে আপনার কী করণীয় তা জেনে রাখতে পারেন।

- বিভ্রাট দেখা দিলে সে সম্পর্কে তাদেরকে অবহিত করার জন্য আপনার ইউটিলিটি সরবরাহকারীদের কাছে ফোন করুন।
- ছিড়ে পড়ে যাওয়া বিদ্যুতের তার এড়িয়ে চলুন এবং আপনার ইউটিলিটি সরবরাহকারীর কাছে সেগুলো মেরামতের জন্য রিপোর্ট করুন; ছিড়ে যাওয়া সব তারে সচল বিদ্যুৎ রয়েছে বলে ধরে নিন।
- জরুরী আলোর জন্য শুধুমাত্র ফ্ল্যাশলাইট ব্যবহার করুন - মোমবাতিগুলি আগুন লাগার ঝুঁকি তৈরি করে।
- খাবার নষ্ট হয়ে যাওয়া রোধ করতে আপনার রেফ্রিজারেটর ও ফ্রিজারের দরজা বন্ধ রাখুন। কোনো সন্দেহ থাকলে, এটি ফেলে দিন!
- বাড়ির ভিতরে কাঠকয়লার গ্রিল বা জেনারেটর ব্যবহার করবেন না এবং তাপের জন্য গ্যাসের চুলা ব্যবহার করবেন না - সেগুলি কার্বন মনোক্সাইডের ক্ষতিকারক মাত্রা ছাড়তে পারে।
- বিদ্যুৎ ফিরে আসলে বিদ্যুতের সম্ভাব্য চাপের কারণে ক্ষয়ক্ষতি হওয়া রোধ করতে বড় ধরনের অ্যাপ্লায়েন্সগুলো বন্ধ করে রাখুন এবং একটি লাইট অন করে রাখুন যাতে কখন বিদ্যুৎ ফিরে আসে তা আপনি জানতে পারেন।

বাড়ির হিটিং

হিটিং ইকুইপমেন্টগুলো বাড়িতে আগুন লেগে মৃত্যু ঘটান অন্যতম শীর্ষ কারণ। এসব গুরুত্বপূর্ণ পদক্ষেপগুলো মেনে চলার মাধ্যমে প্রিয়জনদের নিরাপদ রাখুন:

- সব দাহ্য পদার্থ হিটিং ইকুইপমেন্ট থেকে কমপক্ষে তিন ফুট দূরে রাখুন।
- সবসময় স্পেস হিটার সহ অন্যান্য অ্যাপ্লায়েন্স সরাসরি একটি রিসেপ্ট্যাকলে প্লাগ-ইন করবেন। কখনো অ্যাপ্লায়েন্সগুলো পাওয়ার স্ট্রিপ বা এক্সটেনশন কর্ডে প্লাগ-ইন করবেন না।
- প্রতিটি বেডরুমে, বাইরে ঘুমানোর জায়গাগুলোতে এবং আপনার বাড়ির প্রত্যেক তলায় সচল স্মোক অ্যালার্ম রয়েছে তা নিশ্চিত করুন।

ঝড়ের আগে, ঝড় চলাকালীন সময়ে অথবা ঝড়ের পরে অ-জরুরি পরিষেবার প্রয়োজনগুলো পূরণ করতে 211 নম্বরে ফোন করুন অথবা ভিজিট করুন 211nys.org ঠিকানায়।

নিরাপত্তা সংক্রান্ত আরো পরামর্শের জন্য নিউ ইয়র্ক স্টেটের ডিভিশন অব হোমল্যান্ড সিকিউরিটি এন্ড ইমার্জেন্সি সার্ভিসেস এর নিরাপত্তা পরামর্শ ওয়েবপেইজ www.dhss.ny.gov/oem/safety-info/index.cfm দেখুন।

###

আরো সংবাদ পাওয়া যাবে এখানে: www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418